

ქ. ხობი

2021 წლის 27 მაისი

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 12

ბიუროს სხდომას ესწრებოდნენ ბიუროს წევრები:

1. ედიშერ ჯობავა
2. მამუკა ქარდავა
3. დოდო გაბუნია
4. დავით ბერაია
5. თეა გელანტია
6. ვლადიმერ ქანთარია
7. ტარიელ ალექსანდრია
8. ბექა მამაცაშვილი
9. მერაბ ფილიპია
10. კახა ლატარია
11. თემურ გულუა

ბიუროს სხდომას თავმჯდომარეობდა ედიშერი ჯობავა – საკრებულოს თავმჯდომარე

**დღის წესრიგი:**

1. ხობის მუნიციპალიტეტის მერის გ. ქაჯაიას 2021 წლის 18 მაისის N50-502113895 და 2021 წლის 25 მაისის N50-5021145106 წერილების განხილვა („ხობის მუნიციპალიტეტის ადგილობრივი თვითმართველობის ორგანოებში პროექტების ინიცირების, მათი განხილვისა და ადგილობრივი ბიუჯეტის სახსრებით დაფინანსების წესის დამტკიცების შესახებ“ დადგენილების პროექტის თაობაზე);

(მომხსენებელი: დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე);

2. ხობის მუნიციპალიტეტის მერის გ. ქაჯაიას 2021 წლის 25 მაისის N50-502114511 წერილის განხილვა:

- „ხობის მუნიციპალიტეტის საკუთრებაში არსებული ქონების საპრივატიზაციო ობიექტების ნუსხის დამტკიცების შესახებ“ განკარგულების პროექტის თაობაზე;

- ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით, (იჯარის ფორმით) აუქციონის წესით გადაცემაზე თანხმობის მიცემის „შესახებ“ განკარგულების პროექტის თაობაზე  
 (მომხსენებელი: ვ. ქანთარია - ხობის მუნიციპალიტეტის საკურებულოს ქონების მართვისა და ინფრასტრუქტურის კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 11, წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით

### **დღის წესრიგით გათვალისწინებულ საკითხების განხილვა**

1. ხობის მუნიციპალიტეტის მერის გ. ქაჯაიას 2021 წლის 18 მაისის N50-502113895 და 2021 წლის 25 მაისის N50-5021145106 წერილების განხილვა („ხობის მუნიციპალიტეტის ადგილობრივი თვითმართველობის ორგანოებში პროექტების ინიციირების, მათი განხილვისა და ადგილობრივი ბიუჯეტის სახსრებით დაფინანსების წესის დამტკიცების შესახებ“ დადგენილების პროექტის თაობაზე)

(მომხსენებელი: დ. ბერაია - ხობის მუნიციპალიტეტის საკურებულოს იურიდიულ საკითხთა კომისიის თავმჯდომარე)

მოისმინეს: დ. ბერაია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის ადგილობრივი თვითმართველობის ორგანოებში პროექტების ინიციირების, მათი განხილვისა და ადგილობრივი ბიუჯეტის სახსრებით დაფინანსების წესის დამტკიცების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, უკანასკნელ პერიოდში ხობის მუნიციპალიტეტის მერიაში გახშირდა მომართვები როგორც ფიზიკური პირების, ასევე იურიდიული პირების მხრიდან, რომელთა დიდი ნაწილი მოიცავს ინიციატივებს სხვადასხვა სახის აქტივობების განსახორციელებლად. მათ შორის ხშირია როგორც წინადადებები, ასევე საზოგადოების მოთხოვნა ახალგაზრდული, სპორტული და კულტურულ-საგანმანათლებლო ღონისძიებების დასაფინანსებლად. საზოგადოების სხვადასხვა ფენისთვის სარგებლის მომტანი ღონისძიებების განხორციელებისა და მსგავსი პროექტების მხარდაჭერისთვის, ასევე ამ მიმართულებით მოქალაქეების, საინიციატივო ჯგუფების, საზოგადოებრივი ან/და ადგილობრივი არასამთავრობო ორგანიზაციების გააქტიურების მიზნით, მიზანშეწონილ იქნა მუნიციპალიტეტის დონეზე შემუშავებულიყო შესაბამისი

სამართლებრივი საფუძვლები და ნორმები. შესაბამისი სამართლებრივი აქტის მომზადების პროცესში ყურადღება გამახვილდა არამარტო მიმდინარე პერიოდისთვის უკვე დაფიქსირებულ მოთხოვნებზე (მიმართულებებზე), არამედ საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 პუნქტით მუნიციპალიტეტისთვის დაშვებული უფლებამოსილებების ფარგლებში აქტუალურ მიმართულებებზეც. ზემოთ აღნიშნული გარემოებების გათვალისწინებით, ხობის მუნიციპალიტეტის მერიის ადმინისტრაციული სამსახურის მიერ მომზადდა ხობის მუნიციპალიტეტის საკრებულოს დადგენილების პროექტი „ხობის მუნიციპალიტეტის ადგილობრივი თვითმმართველობის ორგანოებში პროექტების ინიციირების, მათი განხილვისა და ადგილობრივი ბიუჯეტის სახსრებით დაფინანსების წესის დამტკიცების შესახებ“, რომლითაც განსაზღვრულია ხობის მუნიციპალიტეტის ადგილობრივი ბიუჯეტით განსაზღვრული პრიორიტეტების ფარგლებში, მუნიციპალიტეტის ტერიტორიაზე განსახორციელებლად ინიციირებული პროექტების განხილვის, გადაწყვეტილების მიღების და დაფინანსების პროცედურები და პირობები. გამომსვლელის განცხადებით, წარმოდგენილი დადგენილების პროექტი აკმაყოფილებს საქართველოპში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი დადგენილების პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის გ. ქაჯაიას 2021 წლის 25 მაისის N50-502114511 წერილის განხილვა:

- „ხობის მუნიციპალიტეტის საკუთრებაში არსებული ქონების საპრივატიზაციო ობიექტების ნუსხის დამტკიცების შესახებ“ განკარგულების პროექტის თაობაზე;

- ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით, (იჯარის ფორმით) აუქციონის წესით გადაცემაზე თანხმობის მიცემის „შესახებ“ განკარგულების პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე)

**მოისმინეს:** ვ. ქანთარია - მომხსენებელმა ბიუროს წევრებს გააცნო განკარგულების პროექტები „ხობის მუნიციპალიტეტის საკუთრებაში არსებული ქონების საპრივატიზაციო ობიექტების ნუსხის დამტკიცების „შესახებ“ და ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის უფლებით, (იჯარის ფორმით) აუქციონის წესით გადაცემაზე თანხმობის მიცემის „შესახებ“ და კომისიის დასკვნები წარმოდგენილ საკითხებთან დაკავშირებით (მასალები ოქმს თან ერთვის) და აღნიშნა, რომ 1. ხობის მუნიციპალიტეტის მერიის განმარტებით, მუნიციპალიტეტის საკუთრებაში ირიცხება მოძრავი ქონებები (ავტომანქანა გაზ - 5204, ბორბლიანი ტრაქტორი PA814, ტრაქტორის მისაბმელი, მანქანა სპეციალიზებული Ginf 212 0N, ავტომანქანა ჰეტჩბეკი ASTRA, ბიის ადმინისტრაციულ ერთეულში ძველი ხიდის ნარჩენი ლითონი, მოტოროლერი ბორტიანი KEVESEKI 2 ცალი, ფილები (მეორადი 50 კვ.მ)), რომლებიც ამორტიზირებულია და ექსპლოატაციისთვის უვარვისია, რაზედაც არსებობს აუდიოტორული დასკვნები. მათი რეაბილიტაცია-აღდგენა დაკავშირებულია დიდ საბიუჯეტო ხარჯებთან, რის გამოც მერიის შესაბამის სამსახურს მიზანშეწონილად მიაჩნია მათი პრივატიზება ჯართის სახით, აუქციონის წესით. 2. ხობის მუნიციპალიტეტის მერიის განმარტებით, თორსა-დღვაბის ადმინისტრაციულ ერთეულში, მუნიციპალიტეტის საკუთრებაში არსებული დამატებითი ქონება, სასოფლო-სამეურნეო დანიშნულების მიწის ნაკვეთი ფართით 56564 კვ.მ (ს/კ 45.06.23.253), არის დაუტვირთავი. მერიის შესაბამის სამსახურს მიზანშეწონილად მიაჩნია აღნიშნული მიწა გაიცეს იჯარით აუქციონის წესით, 15 წლის ვადით. გამომსვლელის განცხადებით, წარმოდგენილი განკარგულების პროექტები მომზადებულია კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მათი გატანა შესაბამისი გადაწყვეტილების მისაღებად.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი განკარგულების პროექტები შეტანილ იქნეს საკრებულოს  
სხდომის დღის წესრიგში

დღის წესრიგით გათვალისწინებული საკითხების განხილვის შემდეგ ბიუროს სხდომა  
დახურულად გამოცხადდა.

სხდომის თავმჯდომარე

 გიორგი ჯობავა

